

中國地方志集成

重慶府縣志輯 ②0

同治重修酆都縣志（二）

同治酆都縣新志

光緒酆都縣志

民國重修酆都縣志

巴蜀書社·鳳凰出版社·上海書店

第二十冊目錄

同治重修酆都縣志（二）	一
同治酆都縣新志	一三五
光緒酆都縣志	一五一
民國重修酆都縣志	四三三

同治

重修
豐都縣志

(二)

清·田秀栗 徐濬鏞 修 徐昌緒 纂

同治八年刻本 四卷首一卷

重修鄧都縣志卷四上

藝文志

班史志文但紀其目升菴蜀志備存篇幅踴躍前編探綜往牘或以人傳亦因地錄大江炳靈名山鍾淑代有瓊章

其日可讀志藝文

修仙都觀記 唐太和元年

平都山最高頂即漢時王陰二真人蟬蛻之所也峭壁千仞下臨湍波老樹萬株上插峰嶺靈光彩羽皆非圖志中所載者昏旦萬狀信非人境貞元十五年余西遊岷蜀停舟江岸振衣虔潔詣諸

鄧都縣志卷四 藝文志

洞所石巖靈竇蒼然相次蒼龜古書依稀可辨時與道侶數人坐於松下須臾天籟不起萬竅風息山光耀於耳目煙霞拂於襟袖相顧神悚若在紫府元圃矣牽於行役不得淹久瞻眺惆悵書名而去邇來已三十四年太和庚戌歲自淮南移鎮荆門有客由峽中來者皆言當時題記文字猶在觀宇歲久臺殿荒毀不出數年必盡摧沒於巖壑矣乃捐一月秩俸俾令修葺子來同力浹旬報就去年冬十一月詔命換麾幢再領全蜀泝三峽歷舊遊依然景物重喜登覽聞泉聲而緩步愛松色而難別遂命筆硯志於巖谷時太和七年正月五日劔南西川節度使知節度事管內觀察處

統轄近界諸彝及西山八國雲南安撫等使金紫光祿大夫檢校尚書左僕射同中書門下平章事兼成都府上柱國鄧平郡開國公食邑三千戶段文昌記

改建縣學記 明洪武二十四年

黃常

天有四時至教彰焉人有五常恆教立焉則天之序因人之經以垂教萬古惟吾夫子之道所謂集羣聖之大成立百世之標準故歷代學校徧於天下所以崇教化之本登風俗之基譬猶布帛菽粟生民日用之不可闕者也鄧都學舊在縣治之東地喧而隘兵火後僅存遺址聖朝混一幾十餘年未能頓復惟草屋三間以奉

鄧都縣志卷四 藝文志

神設主識者病之洪武二十一年春縣令楊公典史邢公教諭王公相繼到任顧瞻廢墟慨然曰學校乃國家大事今若是以淑人心興教化哉迺議考卜於縣治之西山下令訓導張友仁董治之木植材用咸出於土產藉民力以致之陰陽向背一倣舊制越明年殿成而楊公以考滿去邢與張互襄厥事就殿之前建東西廡廡之外正門中聯而三闕之右為明倫堂堂之前四齋屬焉樞星有門祭器有庫廩祿有儲庖福有所繚以周垣樹以嘉木土爽

余一言紀其事余曰聖人之道在天下千萬載猶一日雖時有治亂而天命民彝終無可泯之理惟在人爲之耳鄧都之學既有楊那二公倡始之又有吾子以成厥功可謂有功聖門矣勒之堅珉垂之永久其孰曰不可遂爲紀其始末特加詳焉楊公謙陝西人那公志山東臨陽人王公必祁溫陵人張公重慶之樂溫人其父漢賓嘗爲學訓導卒友仁繼之實能成父之志是可嘉也

重修平都山景德觀記

明永樂二十二年

蔣夔

平都山在今四川重慶府忠州鄧都縣之東北山有觀額曰景德相傳漢王方平陰長生煉道登丹之所呂純陽嘗遊歷其間題二

鄧都縣志卷四

藝文志

三

詩刻石尚存其一曰孟蘭清曉過平都天下名山所不如兩口單行人不識王陰空使馬蹏虛其二曰一鳴白鳥出青城再謁王陰二友人口口惟思三島好擡眸已過洞庭春覽其山水名勝則左踏黃牛右縈白馬前臨月鏡後擁五魚踵其遺地則惟丹竈宛然舊有寥陽大殿及通明殿鄧都宮救苦宮至峰頂有凌雲臺余公玠生祠在焉考亭朱夫子爲之記臺後乃閻王殿極其東則由土穴深可數丈名曰五雲洞曩時洞口嘗出五色祥雲及天華繽紛因是得名洞之南懸巖之極則由仙姑巖巖上鑄岷嶽二大書由寥陽殿西出則有藏殿西廡又爲四聖殿殿之前爲龍虎君殿旁

附趙帥祠又其前則爲靈星門五雲樓樓下峙三級臺山之麓則有流杯池沐浴亭大仙巖巖內有九蟒之神靈宮土地各有祠山門之左祠泰山右祠北陰此其大槩惜乎洞宇悉燬於火久矣環抱山澗榜其橋曰總仙大江東下江之心有石曰龍牀堆水落之時則見長洲綿亘數里名豐稔壩巋然有古碑立於山之陽其文曰總真總仙之府又曰道山洞天蓋唐李陽冰書也嘗聞太上老君賜方平以九轉靈丹號總真真人領仙官萬五人故府以總真總仙名本諸此與今成都府道紀司都紀何悟因當大明永樂元年癸未繇欽差道士李進道啓奏蜀獻王令旨住持是山領焚

鄧都縣志卷四

藝文志

四

修事悟因初授業郡城之三靈宮精通元學行檢端方聞乎郡邑至是奉教以供乃職蒞事之始以重勅三清殿爲先務於是廣募檀施命鳩工入山掄材濱水醵錢經畫營繕幾經數寒暑乃克落成黝聖丹獲金碧輝煌元教歸依真靈肝嚮鐘鼓鐃鉦神龍呵護至左右廊廡亦次第就緒演法會膳俱有堂廡庖湑園浴咸一新之仙巖元壇倣舊立祠繞門曲澗跨以修虹往來輿馬之士局摩踵接於塗造無弗達悟因復欲修古制恢拓前業莊嚴林觀願力有不逮耳有司竟以悟因舉充令職兼領青羊萬壽宮事間以其始末徵余記之余觀悟因身處青陽而心存景德雖未復於初制

然有賴於後人有徒若干領合州道正曰雷希常夔府都紀曰熊希賢從余遊則曰劉希範也悟困積功累行非一朝夕矣天鑒厥誠諸徒紹襲焉知其不大興於他日而壯觀於西蜀者乎余往年以公事道經其邑艤舟林樾適逢悟困引登峰頂縱觀遐矚襟懷豁如天風泠泠恍若笙簫在耳非人間世真神仙之境也既而又獲誦坡仙之句有曰午夢任隨鳩喚覺早朝又聽鹿催班謂山中鹿鳴必有異人至徵諸前輩云自昔距今已數十載回思舊遊如隔蓬瀛矣悟困將磨石琢辭以示後來垂永久塵劫可盡而悟困崇真樹教之心爲無窮繼自今尚亦有心悟困之心嗣而葺之其

豐都縣志卷四

藝文志

五

敬勿忽則是山觀雖與天地日月同其悠久可也

儒學科貢題名記

明宣德九年

余鐸

科貢之得人尚矣粵自成周以鄉三物教萬民而賓興之三年大比考其德行道義興其賢者能者其原昉於此焉漢有孝弟力田賢良方正之科則賈董輩相繼而出唐如龍虎榜之得韓昌黎制科之得陸贄宋如韓范歐富文章政事炳耀當時此皆科目之得人也聖朝開國建學以育才設科以取士士之有成效者薦之春官升之胄監作養造就咸適於用何其至歟豐都縣儒學自洪武紀元初至於今日得人之盛超軼他邑由科第出身者余公亨曾

公添麟以至王公瓚膺歲貢而出者自黃公應祥至於傅公潮凡若干輩咸舉髦之選也已仕者皆立津要而政聲洋溢人耳目未仕者咸砥節勵行而自期顯榮於方來彬彬輩出猗歟盛哉余以膚學典教是邑竊以諸公文學政事足以鳴一代之盛固可嘉矣然而代遠世移不致泯滅其姓名者幾希於是大尹柳公暨同寅陳先生輩詢謀僉同刻石以永其傳俾千載而下芳聲偉烈耿耿不磨是亦君子樂道人善之意也噫斯舉也不惟使前烈垂譽於無窮亦以使後學激昂而奮發有志竟成者登名是列跂跡前修使賈董韓范歐富之傳不專美於前而相與同芳百世可也余既

豐都縣志卷四

藝文志

六

爲之記乃復頌曰堂堂費泮洙泗之趾文物衣冠惟蜀斯美有杏其壇有柏其門山迎文筆水湧詞源人傑地靈賢髦挺生漸摩膏澤際遇文明累擢名科迭膺歲貢接武亨衢朝陽鳴鳳希蹤棧樸媲美卷阿勒諸珉石亘古不磨以啓來學以昭後世百千萬億永垂弗替

學鐘銘

明成化二年

報讀書之曉鳴飲食之節立明倫堂之右並講鼓之列振斯文之器豈錚錚之鐵

平山書院記

王守仁

平山在鄆陵之北三里今杭郡守楊公溫甫早歲嘗讀書其下鄆人之舉進士者自溫甫之父僉憲始而溫甫承之溫甫既貴建以書院曰使吾鄉之秀與吾楊氏之子弟誦讀其間翹翹焉相繼而興以無忘吾先君之澤於是其鄉多文士而溫甫之子晉復學成有器識將紹溫甫而起蓋書院爲有力焉溫甫爲秋官郎子時實爲僚佐相懷甚得也溫甫時時爲子言平山之勝簞秀奇特比於峨嵋望之巖厲壁削若無所容而其上乃寬衍平博有老氏宮焉殿閣魁傑偉麗聞於天下俯瞰大江煙雲杳靄暇輒從朋儕往游其間鳴湍絕壑拂雲千仞之木蔭翳虧蔽書院當其麓其高可以

鄆都縣志卷四

藝文志

七

眺其遠可以隱其芳可以採其清可以濯其幽可以棲吾因而望之以含遠之樓蟄之以寒香之塢揭之以秋芳之亭澄之以洗月之池息之以棲雲之窩四時交變風雨晦明之朝花月澄芬之夕光景超忽千態萬狀而吾誦讀於其間若冥然與世相忘若將終身焉而不知其他也今吾汨沒於簿書案牘思平山之勝而庶幾夢寐焉何可得耶既而余以病告歸陽明溫甫尊亦出守杭州錢塘波濤之洶怪西湖山水之秀麗天下之言名勝者無過焉噫溫甫之居是地當無憾於平山耳矣今年與溫甫相見於杭而聲聲猶昔也吁亦異矣豈其沉溺於此山果有不能忘情也

哉溫甫好學不倦其爲文章追古人而並之方其讀書於平山也優悠自得固將發爲事業以顯於世及其施諸政事沛然有餘矣則又益思於問學而其間又自有不暇者則其眷戀於茲山也有以哉溫甫既已成己則不能忘於成物而建爲書院以倡其鄉人處行義之時則不能忘其隱居之地而拳拳於求其志者無窮已也子思子曰成己仁也成物知也溫甫其仁且知歟孔子曰隱居求志行義達道聞其語也未見其人也溫甫殆其人也非歟溫甫屬余記余未嘗一至平山而平山巖巖之氣象嶄然壁立而不可犯者因可想而知其不異溫甫之爲人也以溫甫之語予者記之

鄆都縣志卷四

藝文志

八

懷仙吟序

吳用先

鄆都山世所傳爲司冥者余意其地必陰森蕭瑟過之而愀然動也洎抵茲境閱縣志知古稱仙都肇晉迄宋代不乏靈乃艤舟登眺翠蓋丹磴逶迤悅人及登絕頂見王陰二仙對奕處爽然會心仰絕巘之聳漢撫大江之環流真壯觀矣載謁琳宮瑤宇儼若聚真祥雲時繞白鶴可乘三島十洲誰謂弱水隔之飄馭太虛且不知復有人間世何問冥府噫業由識造境惟心生淨其心則升騰清都穢其心則沈淪幽獄然則暢元覽之致者安能滯迹於塵塗希步虛之蹤者胡不游心於物外慨焉有感援筆作懷仙吟二章

以質之方平長生二老云爾

重修文廟記

昔人云天不生宣尼萬古如長夜蓋以世至春秋綱常淪沒而人道盡廢天使孔子有帝王之德無帝王之位意固欲其扶綱常正人道挽頽風以復還淳古之風使孔子得位不過行道於當世耳不過顯治業於一時耳後世之人如聾如瞶孰知有綱常而盡人道也哉所謂萬古長夜正以此也我朝列聖相承君師宇內咸立文廟以帝王之禮尊祀孔子袞冕爲服宮縣爲樂從游弟子列爵以待左右又建學校儲養髦士以備當世之用是文廟之重有自

鄂都縣志卷四

藝文志

九

來矣鄂都重慶之屬邑也廟學舊在縣治之東我朝洪武初徙縣治之西百有餘年矣歷歲既久文廟滋敝不足以棲神起敬爲令者每欲修葺間以他故竟不果中州毛侯泰以戶部郎中知府事宏治庚戌仲冬按行是邑首謁文廟顧瞻咨嗟慨然曰是風教之所先禮義之所自其敢後乎惕然有振弊起舊之思乃發府中所積材木屬李令更新之李令體德意經營締構偕者民仗義者捐貲以助鳩工掄材而大成殿東西廡樑棟榱桷瓦甃牆壁之毀者易之帷幙以及邊豆簠簋壘爵之器敝者新之缺者補之邑紳士愛謂此盛事不可無述請予執筆予維孔子之道與天地同其覆

載與日月並其照臨有天下者克行其道於以正己而化民爲士大夫者克行其道於是立身而用世烏可忘其所自而不知其所以報本乎是役也固毛侯盛舉而李令成之矣竊有告焉崇其祀者文也崇其道者實也文至而實不從聖人之羞也吾願士之儲養於斯者進瞻聖容有所觀感退而致力端其趨嚮崇德義以敦實行去枝葉以求本根則能明體達用建功立業以上報國家庶不負朝廷養士之恩守令作人之意矣謹記之以詔將來

楊溫甫傳

費宏

楊君孟瑛字溫甫號平山四川鄂都人也鄂都初無甲科君考諱

鄂都縣志卷四

藝文志

十

大榮始登丁丑進士歷官江西按察司僉事在任時故諭德安成晉軒劉先生猶未第因禮聘教君君天姿穎異方治舉子業已能縱觀羣書作爲古文詞伸紙立就數百言先生慎許可獨於君亟加款賞以遠大期之君以庚子領薦丁未會試中禮部第八人刻文爲程入對大廷同學皆推遜以爲必登上第旣而賜同進士出身則又皆爲之稱屈而君未嘗意動初授戶部主事連遭太夫人及僉憲之喪先後服闋皆改刑部才名日起陞員外郎未幾陞雲南司郎中雲南爲刑部劇署銓曹知公茂才拔於九人之後人無敢心競者司統邦圻法恆撓於勢婦有戕夫者權貴爲之地積歲

不能決公始至而正其辜京兆府屬官貪贓敗露欲怙求出罪卒顯黜之一戚晚奪民田有司不敢問公取歸之民清強之聲溢於朝二會杭政久敝冀得賢守冢宰鈞陽馬公疏君以聞制報可君至郡值歲祲高邱之成災者爲賦十三萬四千八百餘石戶部聽攤稅於鄰郡貸銀於公帑而其實皆不能辦勢必以嚴刑督之君上疏當恤災以防意外之變得蠲十五蓋宏治癸亥歲也明年兩浙復旱饑詔以淮揚鹽課銀二萬五千兩蜀僉都御史王公璟使充賑濟之用而其半猶未至也君以贓罰銀充之民遂無殍凡荒政之可用者又縷白於王公不以爲嫌時郡廩類無餘積君曰荒而無備吾可以罪歲乎哉增築廩六十楹發郡帑糴諸民間前後凡得粟七十萬石蓋他郡莫及西湖濬於蘇公且四百年豪石日侵其傍以爲桑田蓮蕩綺錯里布不知其所有也君因御史以重濬請既報可募化興役不半歲而功訖湖面之復幾四千畝其所畚除之土西薄山築堤以爲界東附蘇堤增其崇與廣焉於是六橋煙水悉還舊觀而上塘數千頃之田可無旱暵之憂矣方肇事謗議藉藉君曰天下事未有不任怨而能立功者况是非久當自定苟利吾民吾何恤哉及功成而謗亦息士民覩偉蹟且云異時當與蘇白同垂不朽逸少傳謝公紀事泐之石驛傳之夫法當調

鄆都縣志卷四

藝文志

十一

於田稅故有戶頭貼頭多市籍奸豪踞之假符牒索修船買馬諸費於鄉之貧弱害及雞豚其桀黠者能以稅竄於宦家於電戶則幸而免君因民之愬計產輸銀畝若干無敢欺隱凡備者詣官受值歲有常度自是橫索頓除羨餘日積修湖之費蓋取諸此而民無與焉福建守臣貢方物移文趣杭郡造船三十艘以待君老諸故蹟則前此闢貢嘗至浙易舟費皆自辦杭特以篙工助之耳將疏請民勞當憫之故當道用君議以其舟均於浙之列郡而杭僅十之二省費歲六十餘緡安溪等關貧民輿販竹木爲朝夕計與通津巨賈不同成化初奸民網利請隸於工部分司錐刀之末至

鄆都縣志卷四

藝文志

十二

窮作新宮並祀李泌自爲記辭以迎送神文辭義甚美蓋君之
識英敏氣度恢宏視天下之事無難爲者歛而施之一郡特其緒
餘耳故處盤錯紛糾之中從容整暇恢恢乎有游刃之地加以文
章妙麗緣飾有餘所謂儒而通吏而華者也然君自負逸氣與世
落落顧篤許宏爲知己宏淺陋何能爲役第嘗載筆從史氏從於
賢儒之事功不忍使其無傳乃始載其治政之績他日傳循吏未
必無取於此云君春秋鼎盛其所以爲不朽者固不止此也

贊曰吾聞楊平山自杭郡入丞京府民歌之曰楊君來西湖開西
湖清楊君陞蓋民同欲固有先事而托諸黃鵠者況樂成於既復

鄆都縣志卷四

藝文志

三

之後乎驛傳之役自平山始均杭民慮其既去而訟更相率請其
建議之牘刻諸堅珉以垂示永久是亦非肆其吞鯨之威而強之
使然也易曰不見是而無悶平山遂於易者肯以毀譽得喪動其
中乎

重修鄆都縣治記

崔奇勳

鄆陵蜀之名區凡所建置之循久而因以驟至有遺址空存者缺
典之多可徵已小溪王侯樓費陽望族也擢嘉靖辛卯上第兩握
文符廣收譽髦以課最來尹茲土視篆之初慨然有鼎新之志顧
帑焉則匱圉焉則耗躁動而本之弗培其誰與我乃煦槁沃焦櫛

好薶梗孜孜以民瘼爲圖未幾而風以清弊以絕元元咸又始措
置畫材規恢庶功盡取其舊而經營之先譙樓氣象雄偉樹表正
也次廳事具瞻肅整端本則也次後寢崇以高閣兩廂書屋左右
列峙時燕息也吏廊六儀門一陰醫學二飭常制也郭門之外繞
以月城拱以樓堞嚴障隔也至於開通衢以造舍而士林伋躋置
器用於公署而積困以蘇此尤全蜀所僅見者焉若夫大修學宮
輪奐煒煌自天順以來所未備者咸捐俸以成之則冠山夏公之
記可考也夫靈臺築而頌章華築而怨興情爾殊耶存乎所感焉
爾侯之總權綱持風裁不專於寬而撙節愛養一以保字爲主故

鄆都縣志卷四

藝文志

五

行禱而時雨降除壤而甘泉湧耀德而裔夷同天人協應理有固
然者况無病爾氓無傷爾財而登是峻功焉鄆之人在所頌乎在
所怨乎夫不動聲色而庶績凝大略也工費宏而下無損大惠也
振百年之廢墜增三巴之壯觀大義也一舉而累善具焉人品才
識何如耶少尹王子上舍楊子持狀告予曰吾邑之弊甚矣得君
侯而新之曠世一事也願乞一言以示其傳予覽而嘉之曰循良
國之楨也興作國之庸也庸之弗紀奚以昭楨楨之弗章奚以示
觀治才隱而清議熄矣因次第成篇將以勵官師於方來云

泮池銘

黃景夔

作陬居僭雍之如誰乖厥初藝風寒荒士訛皇皇言此否臧其乖斯何易以其差匪以其訛制良冶堅弓盈月絃首事時遷駕虹飛危石檻雲垂貫虛誇奇春水沄沄風行煥文翠委牽芹山英海靈秀脉潛生肆發光晶一士豪豪雄長朋曹德言功高青衿忭歡我銘緒完列永永觀

改建天福寺記

明嘉靖乙酉年

黃洵

浮屠法本出西域其後布衍中夏濫觴於魏晉逮蕭梁厥風益熾名山勝區多爲蟠踞雖高明之士猶專信而崇奉之奚罪愚俗哉我朝龍興衛道斥邪凡二氏宮刹在山野者毀之其附麗城郭者

鄆都縣志卷四

藝文志

五

不設苛禁固有所用之也鄆都故有天福寺爲歲時朝賀所遠在西郊弗便趨踰兵燹後僅存荒址至假公署行禮殊乖於制嘉靖庚子僉謀修復會邑人冉希有願捐地營寺獻諸官司遂以其事屬之沙門宗實募資構材不憚劬勤越明年寺成又建門樓以居鐘鼓起廊廡以備致齋更衣有室厨漏有所獨臺墀猶鞠茂草值雨潦則泥淖濺衣未能致敬歲在己酉縣大夫清平王侯捐俸伐石甃治眾皆樂赴兩閱月而工訖整潔宏敞可拜可趨又以寺門旁入弗稱儀觀乃易隙地闢正道焉每萬壽千秋之辰履端踐長之節長官率羣僚諸生演而行之肅肅雍雍無愆儀焉一日宵來

鄆都縣志卷四

藝文志

六

狷潔戒律甚嚴蓋用力於固守者也其以余言而逆耳哉既爲紀其歲月與凡佐費者之名氏而又繫之頌曰奕奕平都古縣開先翼翼梵宮堂陛有嚴香火斯昏鼓鐘震宣宰臣舉禮稽首揭虔忭舞呼嵩歡聲徹天岷江西來朝宗綿綿刻此祝辭天子萬年

知縣萬公生祠記

明隆慶壬申

黎元

生祠何祀也今忠州刺史永昌萬公也公嘗爲鄆邑大夫鄆人德之去思業有碑矣復卽平山之麓構堂而肖像焉愛公之無已也維時捐貲飭材眾志競勸凡兩閱月而堂成諸鄉先生函書遣使詣余而請記焉鄆涪鄰壤密邇余歲時往往知公之賢稔矣廉峻

之景緻肅之政一時令長鮮出其右者遂膺殊調俾侯本郡而膏澤餘波恆惓惓於舊治宜乎民之不能忘也傳曰有功德於民者則祀之公歷年漸久而施澤於鄴甚厚揆之法不亦當乎紹公而治者守而無失雖百年可也或曰公之廉常恐人知而其愛民也勞而不伐祠而像之豈其所樂哉余應之曰公所弗樂而民乃樂爲之固並行而莫禦者也恆情企慕其人則詢其爵里與夫容貌之詳肖像以永其思鄴人報德之誠也宋儒真西山帥潭州百姓愛而戴之爲作生祠時有歌詠其事者曰舉世知公不愛名潭人苦欲置丹青不須更作生祠記四海蒼生口是銘余不佞敬誦斯

鄴都縣志卷四

藝文志

七

語以復諸君之請公諱谷字本清別號遜齋溷人丙午進士

鄴都志目錄序

楊孟瑛

武王賜太公履東至於海西於河南於穆陵北於無棣孟子亦曰域民以封疆之界益都分土守而爲邑以是爲守也故首疆域疆域之內有山川故次山川山川險阨邑恃以固故次形勝九州皆有分星不以是辨野何以察妖祥故次星野世易物改則邑有併有故次沿革邑以民爲本故次戶口有人此有土故次田賦有財故次土產山川土田戶口貢賦必治以官故次官治三里之域七里之郭與民守之故次城郭街與坊巷皆城中之途市則鄉民

鄴都縣志卷四

藝文志

八

市賈以粟與械器相易所謂以羨補不足者也故次街市坊巷城有坊鄉有里所以區別民居故次鄉里郵驛宣令津梁過往來皆政之不可闕也故次郵驛次津梁政有所宜先莫若哀窮故次惠政歲有豐凶不可無備故次荒政足食足兵事相維繫故次武備民爲貴社稷次之故次祀典民治神事政備修矣又何加焉曰教之故次學校科貢學校所成也故次科貢茂才異等或行業名世科貢之英也故次人物教化興行賢哲作則風動於上習變於下故次風俗大都以廉恥節義爲重故次貞節次隱逸然必一邑之間得賢長吏爲之父母師帥休養以厚生化導以敦俗乃有賴焉

故次名宦推封以勸孝故次高年崇爵敬長亦風化之餘世改人亡遺跡未泯皆人物之餘故次恩典次古蹟次邱墓次樓臺惟釋老之教於吾道別爲一端故次釋老文所以紀一邑之事詩則咏歌之者也故以爲終邑有志猶國有史史掌於史官日有記歲有錄代有書郡邑得人則志修否則廢廢文則事皆逸文獻不足徵矣豈細故哉吾邑之志毀於兵燹且百年成化甲午教諭陳先生獻嘗有事編纂未脫稿滿去宏治丙辰麻城明侯紳雅意修輯請於郡宋公甫公以屬孟瑛瑛延長壽孔盡臣與同事按實於裨官質疑於故老事以類分例以義立類例之間各著臆說雖才乏三

長而事備條目覽疆域則見經畫閱廢置則見盛衰稽戶口田賦則見貧富考風俗人物則見政教吾鄉之文獻蓋庶幾焉凡治邑者取一編置案牘之間仕優而讀之因文以求義因事以求鑒興廢補敝因革從時吾民尚亦有利哉瑛成是書板行十餘年矣自病寡陋恐多闕遺頃備官天府特乘餘暇刪定而更刻之序此於目錄左方

附楊孟瑛開杭州西湖條議 杭州地脈發自天目羣山飛翥駐於錢塘江湖夾抱之間山亭水聚元氣融結故堪輿之書有云勢來形止是為全氣形止氣蓄化生萬物又云外氣橫形內氣止生故杭州為人物之都會財賦之奧區而前賢建立城郭南跨吳山北兜武林左帶長江右臨湖曲所以全形勢而固脈絡鍾靈毓秀於其中若西湖占塞則形勢破損

鄮都縣志卷四

藝文志

九

生殖不繁杭城東北二隅皆鑿壕塹南倚山嶺獨城西一隅湖占塞則勝術綿連客奸實寇折衝禦侮之便何藉焉唐宋以來城中之水皆藉湖水充之今甘泉甚多固不全賴六井南井也然實湖水為之本源陰相輸灌若西湖占塞水脈不通則一城將復齒飲矣况前賢興利以便民而臣等不能纂已成之業非為政之體也五代以前江湖直入運河無遮捍錢氏有國乃置龍山浙江兩關啓閉以時故泥水不入宋初傾廢遂至沉壅頻年挑濬蘇軾重修堰閘阻截江湖不放入城而城中諸河專用湖水為一郡官民之利若西湖占塞則運河枯澁所謂南柴北米官商往來上下阻滯而閘閘貿易苦於擔負之勞生計亦窘矣杭城西南山多田少穀米蔬果之需全賴東北其上塘瀕河田地自仁和至海甯何止千頃皆藉湖水以救亢旱若西湖占塞則上塘之民緩急無所仰賴矣此五者西湖有無利害明甚第壞舊有之業以傷民心怨讟將起而臣等不敢顧忌者以所利於民者甚大也開湖告諭 先賢利民深宏利本特濬西湖之浸用既上塘之田多歷歲年漸成湮廢比者鄉賢侍郎何公生長是邦習

鄮都縣志卷四

藝文志

三

知成事者若為三說辨析百端伏蒙當道俯念地方力圖潛復予又釀司水土敢憚劬勞重惟湖上之園池盡是豪家之封殖一旦開毀百室皆怨民既傷心我亦動念但今民之產本昔官湖只侵於官以肥家固已千紀官取於民以盡舊章謂厲民又惟上塘萬頃之田風仰西湖千畝之水水盡澤涸田漸荒蕪利歸於數十家害貽於千萬井况古人留利物之澤豈今日敢生亨之端幸相導以平心勿相搖於異說有以占產自首事原情免罪奏請除糧查得銅錢局及崇興崇善禪智等寺田以畝計者數千地以頃計者盈百動連阡陌間內城內膏沃可耕標換如數况在昔湖田皆捏糧之稅於今清節自新增之糧新增者至九百而有奇捏報者幾八百而不足稍加查派不費更張決不累民無患虧稅予性知荒法心在利民非勢力之可移惟鬼神之是實凡我父老率鄉閭早為遷移無肆頑梗 四賢祠神記 孟瑛守杭湖孟瑛於今屬邑仁和海甯海以旱告事聞於朝得復開西湖孟瑛任其事遷往孤山見三賢祠棟樑樑壞懼神之不援高蓋吏之不恭也竊惟通仙風節山崇湖深百教攸係自文公蘇東坡皆杭賢守石函一封時洩時鍾葑洲既闢千頃一碧兩邑田殘溝斷漁莫匪遺澤民到於今輯之堂廡弗飾脣齒弗嚴何以格神明昭崇報耶又惟唐鄭侯李公浚亦嘗制是州穿六井引湖波民始不食鹹苦雖功不在湖而以湖為功與自公蘇公均易作新廟舍而祀之更稱四賢神之靈人之情協順助信而杭民亦永有依歸矣乃具其事白於鎮守李公劉公巡按車公程公張公暨藩臬諸公乃發帑鼎作之堂為楹間者三棟棟旅樞悉以樺四隅之楹以石棟樑稱是門廡皆撤朽腐更用飭新漆丹堊甚麗以法敏利材作思賢堂於祠西繞垣四周直湖啓門榜曰四賢且籍廢寺田地六十畝俾守者具歲事仰惟三公治杭事有美績人有遺愛幸應祭法六井一湖才一事耳然杭人祠文公必於孤山祠鄮侯必於湖金北城祠東坡必於湖隄鎮湖之橋豈政以時易易則不傳愛與澤流流故終不可食於是至孤山之祠蓋以北宋定即有之蓋義起也役以三月八日肇事閱六月訖功孟瑛率僚屬諸生釋奠祠下賦迎送神詞二章禮成因敘作祠始末刻諸石并書二辭遺杭人使歌以祀四君子云其辭曰西山之緒兮清且漣漪春橋連柳兮秋風不靡誰汲汲兮六

井誰啓函兮上塘之破繡三賢兮湖上招通仙兮遊嬉考鐘
鼓兮鏗鏘望蕙荷兮杳微擁雲旗以來下見旌旄與裳衣
新官兮並坐慰吾民兮永思孤山兮在水中央梅枝零落兮
花有餘芳渺通仙兮何在偕三賢兮一堂抗朱絳兮章布道
同歸兮行藏於以貧兮芹藻肅郡守兮自將曉堂廡兮少留
委吏民兮耿光幸顧步兮容與覽新湖之圓方千秋兮萬歲
報事兮敢忘

楊五湖先生傳

曾德升

先生諱維新字五湖姓楊氏世爲平都望族始祖諱德言仕元爲
萬戶侯統軍入蜀遂居於鄧二世祖諱繼祖襲封萬戶侯三世祖
諱文興不仕四世祖諱宏道封大理寺評事五世祖諱大華不仕
其從祖諱大榮登順天丁丑進士擢江西僉憲六世祖諱孟蕙以

鄧都縣志卷四

藝文志

三

明經任經歷其從祖諱孟瑛登成化丁未進士授順天府丞高祖
諱汴應歲薦典教興文曾祖諱一通歲貢生父諱純仁庠生先生
年十二遭太夫人喪事繼母以孝聞少好學以文章意氣自豪讀
書喜秦漢讀詩愛少陵視時下帖括無足當其意者自顧不合於
時遂發憤爲詩古文詞由是益與時不合而人之從其游者皆知
愛先生落落足奇而不知其才之有以用也崇禎丁丑入邑庠甲
申得拔貢會獻忠之亂巴蜀陸沈閣部王公應雄承制討賊考拔
人才見先生意氣豪舉文章卓越遂授甌安縣令未仕後我
朝定鼎總制李公題敘先生引病弗仕家園築實字廬三間中置

宋刻碑左右列圖史詩書教子若孫誦讀其間愉愉如也余以後
進常詣先生論世事得失考古今成敗先生馳騁上下慷慨激昂
余益嘆先生時雖塞而意氣自豪也後經南浦之變先生堅臥不
出隱居山莊因石爲磊園終日於竹洲花塢間彈琴賦詩嘯歌自
得戊辰秋余過小邱園先生出近集示余其文上追秦漢其詩遠
逼少陵余又益嘆先生年雖衰而文章自健也惜其不合於時使
有用之才賞志以沒悲夫迄今十餘年迴思往日寶字廬中論世
考古則杳乎不可得矣卽重游磊園咏石上滄浪之句漠然徒見
山高水深更百年後文章意氣鮮有能之者故筆之爲傳以付其
鄧都縣志卷四

藝文志

三

建世祀菴碑記

劉世曾

邑西二十里許有山名大池囑之蔚然深秀中有菴題曰世祀
菴者誰里中黃孺人也孺人姓楊氏僉憲公大榮其高祖也仲子
孟瑛第會魁累官至京兆其曾大父也大父節光祿丞父繼上舍
孺人歸黃公世修修都運公景星孫郡憲公洵子也嘉靖甲子舉
鄉進士迎孺人有年無子畜側室亦未夢蘭孺人不自得以艱嗣
息故亡何又丁永感孺人愀然嘆曰人生荷兩儀二親劬勞覆載

以女流適人寄之宗祧今鬢已絲如後嗣何予未諗前世何因今生受者乃爾不預來世計竟誤矣遂滅珠翠輟綺縠矢之天曰曰吾持梁刺齒肥久矣自今從素食焉乃別居一靜室繪大士相晨昏禮之起居食息輪珠誦佛號求爲弟子凡四相三乘類恆以悟得之爰請大池山卜地胥宇捐鏡梳衣幣出累年蠶績者和之置田二十畝餘建菴於上繞以垣牆厥費自己毫不呈於夫家母家治銅爲佛像祀之菴中安皇帝萬歲牌位於座前寢內置都運郡憲公神主菴後隙地壘窰窰制若緇衣者流他日脫舍則歸形於窰歸主於寢雇僧二人主若菴偈若田歲入其租祇修醮事仗佛

鄧都縣志卷四

藝文志

廿三

力以報天地君親德黃氏宗祖洎孺人夫婦身後咸與薦焉醮事品物有額疏章有式主僧世度其徒歲遇春秋則按而行之餘租給僧徒衣鉢永充常住事竣並幣走使屬余記之使者再拜曰吾主此舉期垂不朽恐後爲豪右所奪敢藉公言以昭勸戒余曰爾主其情誠哀其慮誠遠聞之佛氏功德無量即九幽亦能超度爾黃氏先人得尾蓮座庶幾萬年香火也世有有後嗣者一或不肖則摧先祖祀孰若孺人據若所爲可謂無佛而有佛無後而有後矣秉懿好德情所同然後人游或通禪居則生善心瞻至尊牌位則生敬心復睹黃氏昭穆及孺人遺塔則又生不忍心矣固有增

而修者敢奪之以蹈不仁耶當世戒菴僧勤修善果無令睥睨者乘覺焉爾主果了生死則異世輪迴仍其故業也顏其菴曰世祀斯名其稱情哉使者曰唯唯歸以之復吾主云於是爲記

寶公生祠碑記

明萬曆九年

詹貞吉

辛巳初夏余轉官北上舟次鄧陵岸友蔣生雲路李生茂楊生茹熊生祐輩持先生祠狀懇余誌其事於石余業有論文之雅弗克辭按蜀志漢王堂守巴州唐陳易從守彭州兩郡立祠祀之類是者固多然皆處權位功易樹而民易懷也先生則儒官閒秩何鄧人亦祀於祠及聞狀先生楚人也爲諸生即有大志慨然以天下

鄧都縣志卷四

藝文志

廿四

自任先授西甯學訓承委丈民田不避豪右界在王室者亦公以從事自令僮僕攜饁纖芥不以擾民縣餽公廩封還弗受三載以課最遷鄧身率諸士章之教言大都以黜浮靡敦實行爲尚月嚴考校甄別無錯眾皆服其明敏燕居必正衣冠臯比不撤坐出則振響鳴鐸人不敢干以私諸士凡有所爲於其鄉閭及於其家皆曰吾先生聞之得無不合於意否莫不忖度而後從事寒士有餽遺者弗受兩過始進隨束修多寡絕不啓閱甚至豚肩樽酒亦欣然納之橐中靡有藏物攝教鄰庠所至有冰蘖聲督學郭公命附集大學衍義綜覆往古參以時務足裨經濟實用督學公旌之庚